

之具也...遂爲道士...  
卷之四

處州青田縣清溪觀古鐘歸驗

處州青田縣清溪觀古鐘歸驗  
青田字人或記焉其後温州爲嶼山下水中舟人時聞鐘  
咽不遠一旦有人忽見水中一物如半鐘之形側露不  
視之既近卽覆矣露其一半認其模範之跡蒲牢之形乃鐘也  
以物觸之沈於水中矣與人語其異好事者乘舟看之天氣晴  
霽亦時一見州寺僧結綵舫具幡花致齋迎之或經宿水上道  
場禮懺而請或得見之尋又沈去道門亦備幡花舟舫香火迎  
之見而不得清溪道士時亦有迎鐘衆中稽首祝之曰此州觀

道藏輯要

雲笈七籤  
十三

聖

井集六  
ノ上

寺皆自有鐘唯清溪觀無鐘多年極是闕事遠地不辦香花丹  
心而已鐘若有靈願泝流自往某旬日卽歸於觀前溪中奉候  
衆聞其說皆笑之十餘日道士歸青田鐘已在觀前澤中矣焚  
香迎之汎汎就岸重千餘斤數人挽曳懸掛若百許斤爾自後  
時亦飛去旬日卻回今以大鎖繫之不復去矣其上墨書青田  
字久在水中宛然不滅井邑老人詳認其字乃觀中舊鐘也

青城山宗玄觀銅鐘不能損驗

青城山宗玄觀古跡銅鐘三千餘斤隱花文飛仙幢節之狀工  
甚精好劉闢據成都取觀內銅像大鐘鑄兵器及錢此鐘差縣  
人挽曳下山磨其上隱起花文欲盡頰以巨石捶擊終不能損

曳至江岸將入竹筏力敵萬斤竟亦不動縣狀申關闕異之令送山中三二十人牽送上山纔若一二百斤爾既復懸掛時或擊之立致雲雨至今見在

### 溫江縣太平觀鑄鐘道士得道驗

溫江縣太平觀有任尊師者於市中每日戶乞一錢鑄鐘萬斤數年鐘成尊師年已八十餘矣作大齋表讚扣鐘數百下辭決而去卽大歷年中也其後劉潼僕射擁旄西川觀寺鐘上皆鑄刻陀羅尼咒至是任尊師復歸領巧工於咒邊刻云觀家銅鐘不合妄刻佛咒別立誓詞數句而人見任狀貌益少壯於當時信是得道者

### 道藏輯要

雲笈七籤  
十三

巽

井集六  
六百廿九

### 眉州故彭山市觀八鐘傷寺匠驗

眉州故彭山市觀有大鐘重千斤觀去州二十餘里每叩鐘之時聲應州郭頃年僧輩誑陳文狀云觀無道士鐘在草中當用運之時官無正理遂移於州寺懸掛上鐘之時折匠人之足人以為靈驗寺當州門叩擊之聲不聞州內羣僧別鑄大鐘此鐘不還本觀賣與嘉州寺中下樓之時傷其二匠斷足折腰入船出岸皆有傷損輿俗不以為靈驗至今流俗未還良可惜也

### 浴爰赤木古鐘水洗滄

古鐘  
驗附

爰赤木古鐘開元中所進云赤木莊在五山之下時聞地中隱然有鐘聲尋求莫能致一日赤木患瘡疾且甚醫不能治